

Na osnovu člana 37. Zakona o socijalnoj zaštiti, zaštiti civilnih žrtava rata i zaštiti porodica sa djecom ("Službeni glasnik USK", broj: 05/00, 7/01 i 11/14), člana 28. Statuta općine Bosanska Krupa-prečišćeni tekst 1 («Službeni glasnik općine Bosanska Krupa» broj: 10/17) i tačke 4. Programa subvencioniranja dijela troškova komunalnih usluga vodosnabdijevanja i odvodnje i prečišćavanja otpadnih voda za socijalno ugrožene kategorije stanovništva («Službeni glasnik općine Bosanska Krupa» broj: 11/17), Općinsko vijeće općine Bosanska Krupa, na prijedlog Općinskog načelnika, na XV sjednici održanoj dana 22.11. 2017. godine, **d o n o s i :**

O D L U K U

o subvencioniranju dijela troškova komunalnih usluga vodosnabdijevanja i odvodnje i prečišćavanja otpadnih voda

Član 1.

Ovom Odlukom utvrđuju se prava, uslovi, kriteriji i način utvrđivanja prava na subvencioniranje dijela troškova komunalnih usluga vodosnabdijevanja i odvodnje i prečišćavanja otpadnih voda (u daljem tekstu: subvencioniranje), kao i način finansiranja subvencioniranja.

Član 2.

Subvencioniranje, u smislu ove Odluke, podrazumijeva plaćanje dijela troškova usluga vodosnabdijevanja i odvodnje i prečišćavanja otpadnih voda koje pruža JKP "10.Juli" d.o.o. Bosanska Krupa, za korisnike tih usluga za koje se na osnovu kriterija iz ove Odluke utvrdi da spadaju u kategoriju lica u stanju socijalne potrebe.

Član 3.

Pravo na subvenciju ostvaruju lica čiji ukupan prihod njihovog zajedničkog domaćinstva, u periodu od 6 (šest) mjeseci prije podnošenja zahtjeva za subvencioniranje, ne prelazi 3,00 KM po članu domaćinstva dnevno.

U skladu sa odredbama Zakona o socijalnoj zaštiti, zaštiti civilnih žrtava rata i zaštiti porodica sa djecom, ukupan prihod zajedničkog domaćinstva čine prihodi koje članovi domaćinstva ostvaruju na osnovu:

1. plaća i drugih primanja iz radnog odnosa,
2. starosne, invalidske i porodične penzije,
3. prihoda ostvarenih na osnovu poljoprivredne, uslužne i druge djelatnosti,
4. poljoprivredne djelatnosti,
5. primanja po propisima o boračko-invalidskoj zaštiti i zaštiti civilnih žrtava rata,
6. prihoda ostvarenih na osnovu imovinskog prava,
7. dopunskog rada,
8. vrijednosnih papira, štednih uloga, te drugih prihoda.

Prihodom se ne smatra novčana naknada na osnovu invaliditeta za tjelesno oštećenje, novčana naknada za pomoć i njegu drugog lica, dodatak na djecu, stipendije učenika i studenata i jednokratna pomoć.

Član 4.

Postupak za ostvarivanje prava na subvencioniranje provodi JU Centar za socijalni rad Bosanska Krupa, a pokreće se na zahtjev osobe koja želi ostvariti to pravo.

Član 5.

Nakon provođenja upravnog postupka, o pravu na subvencioniranje se donosi rješenje, sa rokom važenja od najviše 1 (jedne) godine.

Rješenjem će se utvrditi broj članova domaćinstva podnosioca zahtjeva i količina vode koja se subvencionira.

Ukoliko podnosilac zahtjeva ne ispunjava uslove propisane ovom Odlukom zahtjev se odbija.

Ukoliko se zahtjev odbije ili je podnosilac zahtjeva nezadovoljan rješenjem, može se podnijeti žalba Komisiji za zaštitu ljudskih prava, građanskih sloboda i ravnopravnost spolova Općinskog vijeća Općine Bosanska Krupa, u roku od 15 (petnaest) dana od dana prijema rješenja, a predaje se putem JU Centar za socijalni rad Bosanska Krupa koja je donijela rješenje.

Nakon isteka roka važenja rješenja, korisnik subvencioniranja može podnijeti novi zahtjev za subvencioniranje nadležnoj JU Centar za socijalni rad Bosanska Krupa.

Član 6.

Opšti uslovi koje mora ispunjavati podnosilac zahtjeva za subvencioniranje su:

- da podnosilac zahtjeva i članovi zajedničkog domaćinstva imaju prebivalište na području Općine Bosanska Krupa, odnosno da je isti ili član njegovog domaćinstva korisnik javnog vodovodnog sistema kojim upravlja JKP "10.Juli" d.o.o. Bosanska Krupa čiji je osnivač Općina Bosanska Krupa koja i osigurava sredstva za subvencioniranje,
- da se nekretnina za koju se izdaje račun za pružanje usluga vodosnabdijevanja i odvodnje i prečišćavanja otpadnih voda nalazi na području Općine Bosanska Krupa,
- da je podnosilac zahtjeva prepoznat i registriran kod JU „Centar za socijalni rad“ Bosanska Krupa kao socijalno ugrožen,

- da račun za pružanje usluga vodosnabdijevanja i odvodnje i prečišćavanja otpadnih voda glasi na ime podnosioca zahtjeva, odnosno člana domaćinstva.

U slučaju da se utvrdi da račun ne glasi na ime podnosioca zahtjeva nego na vlasnika kuće, stana, stambenog prostora za koji postoji navedeni priključak ukoliko podnositelj zahtjeva ispunjava ostale uslove predviđene Zakonom i ovom odlukom dužan je dostaviti ličnu izjavu ovjerenu od strane nadležnog organa da stanuje u predmetnoj stambenoj jedinici.

Član 7.

Dokumentacija kojom sedokazuje visina prihoda iz člana 3. ove Odluke i koja se prilaže uz zahtjev za subvencioniranje je sljedeća:

- ovjerena kućna lista,
- prijava prebivališta za sve članove zajedničkog domaćinstva,
- za zaposlene članove zajedničkog domaćinstva, uvjerenje poslodavca o visini neto mjesečnih primanja,
- za članove zajedničkog domaćinstva koji su penzioneri, ček od posljednje penzije,
- uvjerenje o isplaćenim poticajima za obavljanje poljoprivredne djelatnosti,
- za nezaposlene punoljetne članove zajedničkog domaćinstva, uvjerenje JU Služba za zapošljavanje USK da se nalazi na evidenciji nezaposlenih (ukoliko u zajedničkom domaćinstvu postoje punoljetni članovi, a koji nisu zaposleni inisu prijavljeni na evidenciji nezaposlenih, ovjerena lična izjava da nije zaposlen)
- ovjerenu pisanu izjavu da podnositelj zahtjeva pod punom krivičnom i materijalnom odgovornošću daje tačne podatke o članovima zajedničkog domaćinstva, te o svojim i njihovim prihodima,
- posljednji račun izdan od strane JKP "10.Juli" d.o.o. Bosanska Krupa, za pružanje usluge isporuke pitke vode i odvodnje i prečišćavanja otpadne vode.

Član 8.

U postupku donošenja rješenja o subvencioniranju po službenoj dužnosti vrši se provjera podataka u evidenciji Službe za prostorno uređenje, imovinsko-pravne i geodetske poslove Općine Bosanska Krupa i zemljišno-knjižnog ureda, kao i registru individualnih poljoprivrednih proizvođača, kao i provjera podataka u evidenciji Policijske uprave o posjedovanju motornog vozila.

Član 9.

Ukoliko je za podnosioca zahtjeva, odnosno člana domaćinstva od strane JU „Centar za socijalni rad“ Bosanska Krupa utvrđeno pravo na stalnu novčanu pomoć, na naknadu za njegu i pomoć od strane drugog lica, te osposobljavanje za život i rad rješenje o subvencioniranju se donosi po skraćenom postupku, uz korištenje podataka i dokaza koje je prikupio JU „Centar za socijalni rad“ Bosanska Krupa za podnosioca zahtjeva.

Član 10.

Rješenjem o subvencioniranju će se utvrditi broj članova domaćinstva podnosioca zahtjeva i mjesečna količina vode koja se subvencionira.

Maksimalna mjesečna količina isporučene pitke vode i količina otpadnih voda po članu domaćinstva korisnika subvencioniranja, za koju se vrši subvencioniranje ne može preći 3 m³.

Razlika u iznosu mjesečnog računa za količinu isporučene pitke vode i količinu otpadnih voda, koja nastaje potrošnjom većom od 3 m³ po članu domaćinstva korisnika subvencioniranja, snosi korisnik ukoliko je isti registriran kao redovni korisnik usluga JKP „10. Juli“ Bosanska Krupa ili članu domaćinstva koji je registriran kao redovan korisnik usluga JKP „10. Juli“ Bosanska Krupa.

Član 11.

Pravosnažna rješenja o subvencioniranju se dostavljaju Službi za opću upravu i društvene djelatnosti Općine Bosanska Krupa radi praćenja provođenja Programa subvencioniranja i JKP "10.Juli" d.o.o. Bosanska Krupa, koje je dužno na osnovu toga formirati evidenciju lica koja ostvaruju pravo na subvencioniranje, te prilikom izrade mjesečnog računa jasno razgraničiti iznos koji se subvencionira, odnosno kojeg plaća Općina Bosanska Krupa i iznos kojeg plaća korisnik subvencioniranja.

Član 12.

JKP "10.Juli" d.o.o. Bosanska Krupa dužno je svakog mjeseca dostaviti fakturu Općini Bosanska Krupa o pruženoj usluzi isporuke pitke vode i odvodnje i prečišćavanja otpadnih voda za korisnike subvencije, koja će izvršiti plaćanje subvencioniranog iznosa usluge.

Član 13.

Korisnik subvencije dužan je obavijestiti JU Centar za socijalni rad Bosanska Krupa o svakoj promjeni koja može uticati na stečeno pravo subvencioniranja (promjena prebivališta, broj članova domaćinstva, zaposlenje i sl.). JKP "10.Juli" d.o.o. Bosanska Krupa također su dužni obavijestiti JU „Centar za socijalni rad“ Bosanska Krupa o promjenama za koja steknu saznanja.

Ukoliko dođe do promjena iz prethodnog stava koje bitno utiču na uslove subvencioniranja JU „Centar za socijalni rad“ Bosanska Krupa dužna je po službenoj dužnosti pokrenuti postupak izmjene rješenja o subvencioniranju.

Član 14.

U slučaju da korisnik subvencioniranja ili član domaćinstva ne plati dio računa koji nije subvencioniran, podliježe redovnim procedurama naplate duga od strane JKP "10.Juli" d.o.o. Bosanska Krupa.

Član 15.

Općina Bosanska Krupa je dužna planirati u Budžetu sredstva potrebna za subvencioniranje određeno ovom Odlukom, te putem Službe za finansije vršiti redovno plaćanje računa dostavljenih od strane JKP "10.Juli" d.o.o. Bosanska Krupa.

Član 16.

U pogledu provođenja postupka, te ostalih pitanja koja nisu uređena ovom Odlukom primjenjivat će odredbe Zakona o socijalnoj zaštiti, zaštiti civilnih žrtava rata i zaštiti porodica sa djecom, Zakona o upravnom postupku i ostalihvažećih propisa.

Član 17.

Za realizaciju ove Odluke zadužuje se Općinski načelnik putem Službe za finansije, Služba za opću upravu i društvene djelatnosti, JKP "10.Juli" d.o.o. Bosanska Krupa i JU "Centar za socijalni rad" Bosanska Krupa.

Član 18.

Ova Odluka stupa na snagu osmog dana od dana objavljivanja u "Službenom glasniku Općine Bosanska Krupa" i primjenjivat će se počev od 1.1.2018. godine.

Broj:01/V-02-8498-2-1/17.

Dana: 22.11.2017.godine

**PREDSJEDAVAJUĆI
OPĆINSKOG VIJEĆA**

Tahir Nuhić s.r.

Na osnovu člana 73.stav 4. Zakona o turizmu Unsko-sanskog kantona ("Službeni glasnik Unsko-sanskog kantona", broj: 8/17), i član 63. Statuta Općine Bosanska Krupa-prečišćeni tekst 1, ("Službeni glasnik Općine Bosanska Krupa", broj: 10/17), Općinsko vijeće Općine Bosanska Krupa, na prijedlog Općinskog načelnika, na XV sjednici održanoj dana 22.11.2017.godine, d o n o s i:

O D L U K U

o osnivanju Turističke zajednice Općine Bosanska Krupa

Član 1.

(Predmet odluke)

Ovom odlukom osniva se Turistička zajednica Općine Bosanska Krupa.

Član 2.

(Naziv, pravni status, sjedište Turističke zajednice)

Naziv Turističke zajednice glasi: Turistička zajednica Općine Bosanska Krupa (u daljem tekstu: Turistička zajednica u odgovarajućem padežu).

Turistička zajednica ima svojstvo pravnog lica i upisuje se u sudski registar.

Rad Turističke zajednice je javan, što se ostvaruje na način propisan statutom Turističke zajednice.

Sjedište Turističke zajednice je u Bosanskoj Krupi ulica Patriotske lige bb.

Član 3.

(Osnivanje Turističke zajednice)

Turistička zajednica se osniva radi razvoja, unapređenja i promocije turizma na području općine Bosanska Krupa i privrednih interesa pravnih i fizičkih lica koja pružaju ugostiteljske i druge turističke usluge ili obavljaju drugu djelatnost neposredno povezanu s turizmom.

Član 4.

(Ciljevi Turističke zajednice)

Ciljevi osnivanja Turističke zajednice Općine Bosanska Krupa su :

- unapređenje općih uslova boravka turista kroz formiranje cjelovite turističke ponude, podizanje kvaliteta turističkih i drugih komplementarnih usluga, očuvanje stvaranje prepoznatljivog i privlačnog turističkog ambijenta jedinica lokalne samouprave,
- razvijanje svijesti o važnosti turizma, kao i privrednim, društvenim i drugim efektima turizma, o potrebi i važnosti očuvanja i unapređenja svih elemenata turističkog proizvoda, a posebno zaštite životne sredine,
- podsticanje razvoja turističke infrastrukture i pružanja informacija turistima,
- promocija turističkog proizvoda jedinice lokalne samouprave.

Član 5.

(Djelatnost i zadaci Turističke zajednice)

- Djelatnost Turističke zajednice zasniva se na načelu ostvarivanja javnog interesa u oblasti turizma, čiji je osnovni cilj promocija turizma na području općine bez ostvarivanja neposredne dobiti.
- Izuzetno od stava 1. ovog člana, Turistička zajednica može da:



Broj: 08-14-3061-17

Datum: 11. 12. 2017. godine

JP „RADIO BOSANSKA KRUPA“

PREDMET: Obavijest, dostavlja se

Poštovani,

Molimo Vas da u skladu sa Vašom programskom shemom najmanje jednom u toku dana (od 12.12.2017.godine. do 31. 12. 2017. godine) emitujete obavijest:

Obavještavaju se građani općine Bosanska Krupa da je stupila na snagu Odluka o subvencioniranju dijela troškova komunalnih usluga vodosnabdijevanja i odvodnje i prečišćavanja otpadnih voda. Subvencioniranje podrazumijeva plaćanje dijela troškova usluga vodosnabdijevanja i odvodnje i prečišćavanja otpadnih voda koje pruža JKP "10.Juli" d.o.o. Bosanska Krupa.

Postupak za ostvarivanje prava na subvencioniranje provodi JU „Centar za socijalni rad Bosanska Krupa“, a na zahtjev osobe koja želi ostvariti to pravo.

Detaljnije informacije koje se odnose na prava, uslove, kriterije i način utvrđivanja prava na subvencioniranje mogu se dobiti u JU „Centar za socijalni rad“ Bosanska Krupa.

Obradivač
Čanka Bečić

**OPĆINSKI NAČELNIK**
Armin Halitović

Dostavljeno:

1. Naslovu
2. Web portal
3. JU „Centar za socijalni rad“ Bosanska Krupa – na znanje
4. a/a